

BLSE
31.12.2008.↑ BIRS
1,51%↓ FIRS
0,78%↑ ERS10
5,55%

■ Dobitnik sedmice

"DC Gradačac" d.d. Gradačac

Cijena (KM)	Promjena
30,00	110,58%

■ Gubitnik sedmice

"KTK Visoko" d.d. Visoko

Cijena (KM)	Promjena
0,16	-77,14%

Fonda za podršku stranim investitorima

za podsticaj inostranstva



Podsticaji za 24 kompanije

Fond za podršku stranim investitorima u prošloj godini za 24 kompanije odobrio je podsticaje u iznosu od 10.000 do 300.000 KM za ulaganja obavljena u 2007. godini, kazao je Haris Bašić, direktor FIPA.

"Podsticaji su dati na osnovu javnog konkursa. Kao kriteriji vrednovani su visina investicije, broj uposlenih radnika, zaštita okoliša, izvoz i ulaganja u nerazvijena područja. Listu sačinjava Odbor Fonda, a odobrava je Vijeće ministara BiH", kazao je Bašić.

Najviše podsticaje dobili su "Studen Agrana" i "Bimal" iz Brčkog, "Cimos", koji je ulagao u nekoliko gradova, "Perutina" Breza i "Presal" Široki Brijeg.

dok istovremeno vlast stalno govori da nema novca za pomoć domaćoj ekonomiji", naglašava Rapa.

Za Jozu Križanovića, predsjedavajućeg Kluba poslanika SDP-a u parlamentu BiH, upitan je, ne samo rad Fonda za podršku stranim investitorima nego i Agencije za promociju stranih investicija (FIPA), dok Alija Remzo Bašić, direktor Udruženja poslodavaca FBiH, smatra da za privlačenje stranih investicija prije svega treba pronaći adekvatne mjere ekonomske politike. Ekonomista Muris Čičić, međutim, ne smatra problematičnim davanje podrške investitorima.

„Stimulisanje stranih investitora otvorilo polemike u poslovnim krugovima BiH“

"Svugdje u svijetu vlade zemalja trude se da privuku strani kapital. Kada BMW odluči da gradi fabriku u SAD, vlada ove zemlje daje zemljište bez naknade, obezbjeđuje infrastrukturu, oslobađa poreza", dodaje Čičić.

Direktor FIPA Haris Bašić ističe da je Fond za podršku stranim investitorima opravdao postojanje i da su to prepoznali Svjetska banka i OECD. Odgovarajući na primjedbe na rad Fonda i FIPA Bašić kaže da one dolaze od ljudi koji ništa nisu učinili za domaću privredu.

Uprava KHK-a još nije kompletirala dokumentaciju za prodaju udjela GIKIL-a

Pod znakom pitanja učešće indijskog suvlasnika

M. RENER

SARAJEVO - Neizvjesno je kada će biti zakazana prodaja 15 odsto udjela koji Koksno-hemijski kombinat (KHK) Lukavac ima u firmi GIKIL, iako je bila najavljena za početak godine.

Novcem od prodaje ovog udjela po cijeni od oko sedam miliona KM treba da budu izmirene obaveze za doprinose, otpremnine i zaostale plate za 250 radnika koksare.

"Uprava firme još nije prijavila svu potrebnu dokumentaciju. Kada nam je dostave, biće objavljen javni poziv koji neće trajati duže od 30 dana", rekli su u Agenciji za privatizaciju Tuzlanskog kantona.

Senada Alihodžić, predsjednica Sindikata KHK-a, rekla je da je upitno da li će se indijski GSHL, suvlasnik firme GIKIL, moći pojaviti kao kupac 15 odsto udjela iako se na njega računalo. In-

dijci su, inače, sa KHK osnovali GIKIL.

"Indijci nisu uložili 46 miliona KM, što je bila njihova obaveza. Postoji varijanta da taj dug bude reprogramiran, ali Vlada Tuzlanskog kantona od indijske kompanije traži bankovnu garanciju. Do sada ništa nije urađeno i ne vjerujemo da će išta i uraditi do prodaje. Pitanje je ko će htjeti kupiti udio", kazala je Alihodžićeva. Istakla je da za izmirenje obaveza prema radnicima treba oko pet miliona KM i to za penziono-invalidsko osiguranje od 2004. do 2008. godine, zaostale plate od 1992. godine do danas, te otpremnine. Naglasila je da je 250 radnika šestu godinu na ulici, koliko ne radi KHK, te da svaki mjesec dugovi samo za PIO rastu za 40.000 KM.

"Radi se o nebrizi Vlade Tuzlanskog kantona za kapital njene firme. Dugovi nemaju odakle biti izmireni nego iz kapitala KHK-a", kazala je Alihodžićeva.

Novi protesti pred zgradom Vlade

Oko 250 radnika KHK Lukavac će 26. januara protestovati pred sjedištima Vlade i Skupštine Tuzlanskog kantona ako do tada ne utvrde rok za izmirenje dugovanja prema radnicima.

"Sve su opcije otvorene, pa i blokada rada GIKIL-a i štrajk glađu. Ljudi nemaju šta izgubiti. Možda je čudno što tražimo da nas pošalju na biro, ali hoćemo da konačno bude riješen naš status, da nismo više radnici na čekanju, ni na nebu ni na zemlji", istakla je predsjednica Sindikata KHK-a Senada Alihodžić.

Kredit za kupovinu fiskalnih kasa:
period otplate i do 36 mjeseci!

Za više informacija obratite se u najbližu poslovnicu
Hypo Alpe-Adria-Bank a.d. Banja Luka

HYPO GROUP
ALPE ADRIA
BANK

Alija Remzo Bakšić, direktor Asocijacije poslodavaca BiH Domaću privredu treba rasteretiti

Brčanski "Bimal" jedna od firmi koja je dobila novac



SARAJEVO - Za prevazilaženje ekonomske krize neophodno je podsticati izvozne orijentisane kompanije u BiH, povećati strane investicije i rasteretiti privredu, smatra direktor Asocijacije poslodavaca BiH Alija Remzo Bakšić.

"U zapadnim zemljama cijena rada je mnogo skuplja, a s obzirom na to da je potražnja proizvoda u padu, njihovi poslodavci počinju vršiti nabavke tamo gdje mogu nešto jeftinije proizvesti i kupiti, što je slučaj sa BiH, gdje je cijena rada mnogo manja. Tu šansu treba iskoristiti, jer je to jedini način da se kriza prevaziđe", kazao je Bakšić. **Dodao je da** je usljed nedavnih dešavanja na globalnom finansijsko-ekonomskom planu došlo do povećanja narudžbi nekih proizvoda iz FBiH.

Bakšić je napomenuo da pristup Udruženja poslodavaca BiH, koje broji oko 4.000 preduzeća, nije otpuštanje radnika do čega, prema njegovim riječima, neće doći, već smanjenje broja radnih sati tamo gdje to bude potrebno.

"Da bi se kriza prevazišla na ovaj način potrebno je obezbijediti načine pomoći izvoznim kompanijama, te održati i povećati ciklus stranih investicija i rasteretiti privredu, što je predviđeno Programom mjera za ublažavanje posljedica globalne ekonomske krize koji je Dom naroda Parlamenta FBiH usvojio 30. decembra, a očekuje se da će to

„Umjesto otpuštanja radnika, treba smanjiti broj radnih sati, kaže Bakšić“

učiniti i Predstavnički dom federalnog parlamenta 13. januara", istakao je Bakšić.

On je napomenuo da će se kroz ovaj program mjera stope doprinosa u ovoj godini smanjiti za 3,5 odsto, a do 2012. godine za 15 odsto, te doći do uklanjanja parafiskalnih taksi za turističke članarine, što zajedno predstavlja olakšanje u podizanju konkurentnosti privrednicima.

Osvrćući se na aktivnosti Asocijacije poslodavaca BiH protekle godine, Bakšić je istakao da ona aktivno učestvuje u programima Svjetske organizacije rada i Evropske unije na podizanju kapaciteta svih partnera u pripremi za uspostavu Ekonomsko-socijalnog savjeta na državnom nivou.

"Angažovani su predstavnici međunarodne zajednice, kao i budući lokalni partneri u Ekonomsko-socijalnom savjetu da se stvore okolnosti za njegovo osnivanje. Obaveza Savjeta ministara BiH nakon potpisivanja Sporazuma o stabilizaciji i pridruživanju s EU bila je da do 30. septembra prošle godine donese odluku o njegovom osnivanju, ali do toga nije došlo", naveo je Bakšić.

On je ocijenio da će se osnivanjem ovog tijela stvoriti aktivnija pozicija poslodavaca i sindikata u BiH da zajedno sa vlastima, kao partnerom, vode sve bitne procese iz oblasti ekonomsko-socijalne politike, te učestvuju u procesima približavanja BiH Evropskoj uniji. (Srna)

Udruženje dioničara, akcionara i udjeličara BiH o slučaju "BH Telecom"

Pritisak na Komisiju za vrijednosne papire

B. SIMIĆ

SARAJEVO - Dužnosnici FBiH i predstavnici "BH Telecoma" vrše indirektni pritisak na Komisiju za vrijednosne papire FBiH i obmanjuju dioničare "BH Telecoma", tvrde u Udruženju dioničara, akcionara i udjeličara BiH.

Pritisak na Komisiju, kako navode, vrši se nakon što je odbijen upis u registar novoizabranog nadzornog odbora ove kompanije ocjenama da je na sceni udar na "BH Telecom", "da Komisija nije sudski organ, te da će se danas održati vanredna sjednica Komisije".

"Rad Komisije jeste dokaz da uz primjenu zakona FBiH može da funkcioniše", navodi se u saopštenju i dodaje da je to potvrđeno i odbijanjem upisa u registar Nadzornog odbora preduzeća "Zrak" Sarajevo.

Udruženje poziva federalnog pravobranioca

da iskoristi ustavna i zakonska prava i preuzme kontrolu nad "BH Telecomom" i "Zrakom" kako bi u njima, kako se navodi, zaštitilo državnu imovinu.

Udruženje je dostavilo medijima i hronologiju, kako tvrde, nezakonitosti prilikom izbora Nadzornog odbora "BH Telecoma". Između ostalog naglašava se da je većinski dioničar glasao za predstavnika malih dioničara i na taj način prekršio odredbe Zakona o ministarskim, Vladinim i drugim imenovanjima.

"Kandidati malih dioničara Adnan Smajlović, Džemal Peljto i Nihad Imamović nisu prošli proceduru u skladu sa ovim zakonom, dok je Ni-

had Imamović u svojoj izjavi o prihvatanju kandidature potpisao da nije član Nadzornog odbora u više od tri društva, a utvrđeno je da je član u "ASA banka Leasingu", "Volkswagenu" Sarajevo, "Hercegovina auto" Mostar i "ASA Financu" Sarajevo.

„Rad Komisije jeste dokaz da uz primjenu zakona FBiH može da funkcioniše“